



Bájkkeavijssa NuorttaSálto

Sidá gus álggorijkan studerit?

Moattes válljiji studerit avtav vaj guokta semesterá álggorijkan; udnásj universitehta bádtji studentajt oasev áhpadimes ietjá lándan válldet. Álggorijkan studerit le ádå ja geldulasj vásádus, ja duodden aj vuogas átsádallam CV:aj.

Mañenagi li álgaduvvam moadda doarjjaásadusá studentajda gudi sihti álggorijkan studerit. Duodden Lånekássa dárjajda dáhkki aj oadtjot duov dáv stipendav lánudissjiehtadusáj baktu.

Lars Theodor Kintel (21) Divtasvuonas ároj jagev Suoman gasskarijkalasj studentan. Vuostasj semesterav Helsinkin lågáj, madi ma?ep semesterav Oulun ároj. Sån sidáj Suobmaj jáhttet suomagielaav áhpatjit, ja dan diehti gá sujna lidjin oahpes ulmutja dáppen ávdutjis.

- Oadtjuv buorre mujtajt ja ádå rádnajt, subtsas Lars Theodor álggorijkkáarroma birra.-“Ájttsiv» aj man buoragit sijdan soaptsov. Ajtu ájgov vas álggorijkkaj, doajvov Australiaj besav boahhte tjaktjaj ja de vas Suobmaj ádájagij ma??ela, vájllu ájn vehi ávdås almma láhkáj suomastav, ja dav hálidav buktet.

Gá gatjádip jus sujna li ráde iehtjádijda gudi álggorijkkaj sihti, javllá Lars Theodor:

- Jáhttet le buorep gá árrót (dålusj sáme báhkotsoabbme)! Mujte val asto bále gárvedahttjáj!

Tæksta/gávva:
Maria Mikkelsen



Englånndaj giellaskåvlláj

Juska vuona studentaj lårko álggorijkan le vehi vuollánam, vilá moadda nuora ájggu álggorijkkaj manádit áhpatjit – ja svidájt oadtjot ja álov vásedit. Ja nágina dajs árrat álggi...

Isabell Thomassen (15, ruvva 16) Måskes, tjadát 10. klåssav dán gidá. Gá skåvlås álli, de sån Torquayaj Englånndaj manná giellaskåvlláj gálmma vahko. Isabell le álles nuorajskåvláv Sismeran vádtsám, valla Måsskáj jádij nágina vahko dássta ávdådåla. Ajtu Sismera skåvlá áhpadimev tjuovvu ja galggá eksámav danna tjadádit. Ja de Englånndaj vaddá.

Dasi manná aktan rádnastis Thrine Ediassenijn gut le Håkonhalsas. Torquayan galggaba aktan sæmme goahteulmutjij lunna árrót. Sæmme báttá guokta ietjá rádna Sismera skåvlås Englånndaj galggaba giellaskåvláv vádtsátjit. Vilde Hilling Elsbak (15) ja Christin Solberg (15) æbá gal Torquayan galga liehket, ájnat Brightonin.

Vuostatjin diedon ájggu Ieññilgielav oahppat, valla nuorra næjtso vuorddi geldulasj vásádusájt lándan gánná ælla gudik guossak mannam, ja ávvudalli iejvvitjijt nuorajt ietjá rijkajs. – Ja de sjaddá buorre bessat æjgádijs gá lip dáppe. Ja oarbbenijs, májudalli

næjtso. Sihke Isabell, Thrine ja Vilde sihti maññela álggorijkan skåvláv vádtsæt jus navti hiehpá. Thrinen le guokta vuorrasap oarbbena gudi libá álov manádam, madi Vilden le vuorrasap viellja guhti boahhte jage USA:an galggá skåvláv vádtsæt. Isabell le vuorrasamos gálmma oarbbenijs ja le “vuostasj álgus”. - Viekk ávvudallap, javlli næjtso.

Tæksta: Børge Strandskog
Jærggálibme: Lars Th. Kintel



G.b. Vilde Hilling Elsbak, Isabell Thomassen ja Thrine Ediassen galggi divna Englånndaj gæssáj giellaskåvláv vádtsátjit. Dav aj skåvlláráddna Christin Solberg galggá, guhti lij lenska milta mannamin pássav viettjajit gá dát gávviduváj!

F.v. Vilde Hilling Elsbak, Isabell Thomassen og Thrine Ediassen skal alle på språkkole til England til sommeren. Det skal også skolevenninnen Christin Solberg, som var hos lensmannen for å få seg pass da bildet ble tatt!